

軍 事

二 百 七 十 二

六 月

各 省 軍 事 紀 要

奉 天 奉 省 彰 武 臺 邊 門 左 近 時 有 各 股 匪 隊 多 少 不 等 以 日 本 招 撫 洋 隊 為 名 在 該 處 肆 行 搶 擄 勒 贖 並 傷 害 人 民 焚 毀 房 屋 等 事 經 當 地 官 長 稟 知 增 將 軍 轉 詢 日 本 軍 政 署 此 項 匪 隊 並 非 日 員 招 撫 即 電 調 西 路 統 巡 胡 喜 志 並 飭 趙 總 巡 玉 良 率 隊 往 剿

江 蘇 海 州 土 匪 勾 結 外 來 梟 匪 作 亂 勢 甚 猖 獗 附 近 各 處 均 派 兵 前 往 鎮 壓 兩 淮 運 司 恩 都 轉 亦 派 新 勝 虎 字 營 前 往 剿 辦 乃 漸 平 靖

安 徽 皖 省 澄 清 水 師 營 設 立 有 年 勇 丁 頗 多 老 弱 船 亦 強 半 朽 壞 皖 撫 誠 果 帥 飭 即 一 律 裁 撤 所 需 護 卡 護 餉 兩 項 礙 船 由 牙 釐 支 應 各 局 另 行 募 設 其 銅 陵 縣 之 周 家 沖 及 當 塗 縣 之 丹 陽 黃 池 鎮 阿 有 礙 船 分 禁 由 各 該 縣 察 看 情 形 妥 籌 稟 辦 著 名 匪 首 王 俊 坦 自 甲 辰 年 就 獲 正 法 後 其 餘 黨 李 盛 美 任 娃 劉 老 人 李 廷 化 韓 大 洪 等 率 眾 千 餘 人 盤 踞 宿 州 靈 璧 兩 界 中 及 江 蘇 蕭 縣 邊 界 揚 山 常 昭 山 菱 角 山 貢 山 一 帶 橫 行 劫 掠 適 值 靈 璧 縣 新 舊 交 替 防 緝 偶 疎 匪 眾 乘 間 竊 發 聲 稱 為 王 俊 坦 復 仇 風 潮 六 泗 道 張 觀 察 聞 警 飛 札 威 靖 右 營 吳 開 甲 卓 勝 後 營 母 可 登 親 軍 馬 隊 李 兆 祥 整 軍 前 往 會 同 宿 州 李 刺 史 靈 璧 縣 畢 大 令 入 山 征 剿 並 約 會 江 蘇 徐 州 道 袁 觀 察 派 兵 在 該 界 防 禦 梟 匪 聞 大 軍 進 征 亦 齊 集 常 昭 山 開 槍 抵 拒 云

江 西 贛 省 龍 南 信 豐 等 縣 會 匪 猖 獗 粵 省 南 雄 州 附 近 各 鄉 多 被 逼 脅 入 會 經 該 州 張 協 沈 牧 稟 知 粵 撫 張 安 帥 轉 電 護 贛 撫 周 瀚 帥 即 飛 電 贛 南 道 江 觀 察 轉 飭 各 屬 地 方 文 武 營 團 實 力 查 拿

福 建 漳 州 土 匪 集 眾 肆 劫 勢 甚 橫 行 聞 已 勾 結 九 龍 關 一 樂 勢 將 謀 動 該 處 汎 弁 亟 報 省 憲 調 兵 防 堵

湖北 四月初旬漢口漢陽蔡甸三處有匪徒結盟推劉得勝為首立名尚義堂在沿江一帶散放票布為臬司岑廉訪訪聞當飭督捕營線隊哨弁徐升按名緝拿 荊州府屬枝江縣毘連松滋因該縣土匪滋事枝江人心亦頗蠢動縣屬祠堂港地方有紅燈教多人盤踞散放票布勒索居民報効該縣余大令以兵差有限不敢捕拿特電稟省憲請飭荆沙就近派兵前往兜拿

湖南 湘撫端午帥新設混成旅團一軍期於明年再擴充為第一師團此旅團編制計有步兵六大隊 四中隊為一大隊 砲兵

二中隊 每一中隊編過山砲六尊 騎兵工兵輜重兵各二中隊其旅團長為營務處姚觀察副官為日本士官學校畢業生陸軍步兵少

尉其餘參謀士官等一切名稱規律皆取法日本近衛師團之制云

四川 戕殺鳳欽使之巴塘泰擬寺自川督錫清帥派令川提馬軍門維驥前往剿辦後遂於三月十七十八等日攻克

泰擬寺殺斃喇嘛無算當復兜剿亂番追殺三十餘里斬獲土番及牛馬糧芻等甚多 資州拿獲邪匪首劉飛虎當於

其身畔搜出偽印一顆上鑄劉飛虎及勝國正宮馬仙姑字樣近已將印銷燬劉亦正法惟馬則在逃未獲云 甯遠番

夷憑恃險阻叛服靡常三月二十一日各路官軍齊攻杓杓山四塊填夷巢該山陡峻宵密夷用竹籤樹樁密為布設據

險死守常備軍管帶嶺止榮即用奇兵進攻番夷三四千人竭力抗拒自辰至午鏖戰六點鐘始將老林轟破許游擊率

十數人奪路據險夷皆逃竄官軍遂焚老巢進據四塊填逆巢是役番夷死者數十人焚夷寨二十餘處官兵傷者七人

廣西 紹字營哨弁張老三 號福 常柳州兵叛時率黨焚劫兇悍異常自竄入四十八峒屢為官軍所敗黨羽各散近逃

回馬平縣屬魯比村匿跡為二都團總張天祥等偵知密報馬平縣周大令派兵練前往並將其妻張梁氏一併拘獲訊

供為匪不諱周大令即將該匪夫婦凌遲處死 來賓縣一帶積匪覃祖霖並妻覃余氏已由貴縣蔣大令督隊擒獲解

軍事

軍 事

二百七十四

六月

交柳州府訊驗懲辦 以上柳州

著匪悍目沈二曾與曾蘇等會合幫攻犯黔邊自曾五蘇八先後陣斃沈二僅率死黨數十人逃免未獲二月朔日偵悉
置於三李峒中經陸統領榮廷派榮字營勇兩哨馳往初三日由眼線帶至峒中擊斃數匪沈二衝出重圍率悍匪三十
餘人登山拒捕兩哨弁勇復圍困之自初三晚戰至初五辰匪因槍碼用罄全數就擒沈二解至龍觀察行營訊辦其餘
各匪一併在於三李正法 右江匪目何乃初前在河池州拒斃濟字左營管帶林禮清並將其支解窮凶極惡久剿未
獲近該匪竄至思恩之八墟經濟字營管帶繆鴻順塔剿拿獲解至慶遠龍觀察親提訊問直供不諱遂於三月初六日
將該匪凌遲處決 遊匪目謝玉興近經哨弁葉澤惠在中渡生擒慶郡商民大快 以上慶遠

永安州屬黃村街係客民聚族而居某日夜突被游匪百餘人竄入槍掠該處團總黃先喜等連夜往報州官蕭刺史越
日率帶親兵馳往會同團練百餘人跟踪追捕至六結沖尾排弔界脚與匪接仗匪槍斃團丁兩人又追至藤縣大梨里
上盈地方該處團練出隊助擊合力追至長灘被匪槍傷團丁數人各團亦槍斃匪夥兩名傷匪數名匪黨將受傷各匪
奪回背負團練仍奮勇追剿至古斗地方山路多路窄時已近曉匪等遁入嶺山而去 以上平樂

鬱林州屬北流地方三月十三日有會匪數百人揭竿起事四出劫掠嗣為當道所聞立派營勇馳往剿捕十六日即已
解散 容縣自良墟上游一帶賊匪徧地二月下旬該縣黃大令帶同勇役親詣黎讀橋一帶圍捕拿獲賊匪六人庇匪

團長一人 以上梧州

日俄戰事紀要

對馬海峽戰